

Na osnovu člana 118. Zakona o radu („Službene novine Federacije BiH“, broj 26/16, 89/18, 44/22 i 39/24), člana 108. Zakona o odgoju i obrazovanju u osnovnoj i srednjoj školi („Službene novine Kantona Sarajevo“, broj: 27/24), člana 21. stav (4) Kolektivnog ugovora o izmjenama i dopunama Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo („Službene novine Kantona Sarajevo“ broj: 39/24), člana 86. Pravila Javne ustanove Osnovne škole “Hašim Spahić” Ilijaš broj: 01-566/15 od 29.06.2015. godine i člana 154. Pravilnika o radu Javne ustanove Osnovne škole “Hašim Spahić” Ilijaš broj: 01-1485/22 od 12.09.2022. godine a nakon konsultacija sa Sindikatом škole, Školski odbor Javne ustanove Osnovne škole „Hašim Spahić“ Ilijaš na četrdesetsedmoj (47.) sjednici održanoj dana 30.10.2024. godine donosi:

PRAVILNIK O IZMJENAMA I DOPUNAMA PRAVILNIKA O RADU JAVNE USTANOVE OSNOVNE ŠKOLE „HAŠIM SPAHIĆ“ ILIJAŠ

Član 1.

(1) U Pravilniku o radu Javne ustanove Osnovne škole “Hašim Spahić” Ilijaš broj: 01-1485/22 od 12.09.2022. godine sa pripadajućim Pravilnikom o izmjenama i dopunama Pravilnika o radu Javne ustanove Osnovne škole “Hašim Spahić” Ilijaš broj: 01-1670/22 od 11.10.2022. godine i pripadajućim Pravilnikom o izmjenama i dopunama Pravilnika o radu Javne ustanove Osnovne škole “Hašim Spahić” Ilijaš broj: 01-1-338/24 od 08.03.2024. godine, u članu 10. stav (1) iza riječi “pomoćnik direktora” dodaju se riječi: “ili voditelj dijela nastavnog procesa”.

(2) U članu 10. stav (3) riječ “škole” se briše, a iza riječi “pomoćnika direktora” dodaju se riječi: “ili voditelja dijela nastavnog procesa”.

Član 2.

U članu 11. stav (5) riječ “škole” se briše, a iza riječi “pomoćnika direktora” dodaju se riječi: “ili voditelja dijela nastavnog procesa”.

Član 3.

U članu 13. stav (1) tačka h) riječi: “asistentom u odjeljenju/grupi” mijenjaju se riječima: “asistentom u odjeljenju”.

Član 4.

U članu 15. stavovi (7), (8), (9), (10), (11) i (14) mijenjaju se i glase:

“(7) Radnik koji je imenovan na funkciju pomoćnika direktora ili voditelja dijela nastavnog procesa i ima ugovor o radu na neodređeno vrijeme u školi, na njegov će zahtjev ugovor o radu mirovati do prestanka mandata.

(8) Zahtjev iz prethodnog stava ovog člana radnik iz stava (7) ovog člana, podnosi školskom odboru u roku od 30 dana od imenovanja na funkciju pomoćnika direktora ili voditelja dijela nastavnog procesa, odnosno radnik iz stava (7) ovog člana koji je u vrijeme donošenja Kolektivnog ugovora o izmjenama i dopunama Kolektivnog ugovora za djelatnosti predškolskog odgoja i osnovnog odgoja i obrazovanja u Kantonu Sarajevo (“Službene novine Kantona Sarajevo” broj: 39/24) zatečen na funkciji pomoćnika direktora ili voditelja dijela nastavnog procesa u roku od 30 dana od dana stupanja na snagu navedenog Kolektivnog ugovora.

(9) U slučaju da je radnik iz stava (7) ovog člana imenovan na navedenu funkciju sa nepunim radnim vremenom, Školski odbor obavezuje direktora da sa imenovanim zaključi Ugovor o radu na određeno vrijeme za poslove za koje ima zaključen osnovni ugovor za preostali dio radnog vremena.

(10) Predsjednik Školskog odbora, nakon donošenja Odluke o imenovanju pomoćnika direktora ili voditelja dijela nastavnog procesa i Odluke o mirovanju prava i obaveza iz radnog odnosa za

- pomoćnika direktora, zaključuje ugovor o radu sa imenovanim za obavljanje poslova pomoćnika direktora ili voditelja dijela nastavnog procesa na period naveden u Odluci o imenovanju.
- (11) Radnik iz stava (7) ovog člana ima pravo vratiti se na rad u ustanovu u kojoj je prethodno radio, ako podnese pisani zahtjev za povratak na te poslove u roku od 30 dana od dana prestanka obavljanja poslova pomoćnika direktora ili voditelja dijela nastavnog procesa, u protivnom mu prestaje radni odnos.
- (14) Školski odbor može razriješiti dužnosti pomoćnika direktora ili voditelja dijela nastavnog procesa, a na prijedlog direktora škole i prije isteka mandata.”

Član 5.

- (1) U članu 34. u stavu (10) riječi: “(noćni čuvar, dnevni čuvar, spremačica, servirka)” mijenjaju se i glase: “(noćni čuvar zadužen za sigurnost, dnevni čuvar zadužen za sigurnost, radnik na održavanju higijene, radnik na posluživanju obroka, radnik za logističku podršku i higijenu, kuhar, pomoćni radnik u kuhinji)”.
- (2) Iza stave (11) dodaju se novi stavovi (12), (13), (14) i (15) koji glase:
“(12) Ocjena o radu i procenat na ime ocjene rada iz stave (10) ovog člana se utvrđuje pojedinačnim detaljno obrazloženim rješenjem direktora škole koje se radniku izdaje najkasnije 15 dana po isteku šestomjesečnog praćenja rada radnika.
(13) Radnik na rješenje iz stava (12) ovog člana ima pravo da uputi žalbu školskom odboru.
(14) Odluka školskog odbora je konačna.
(15) Radnik ima pravo da osporava rješenje iz stava (12) ovog člana putem nadležnog suda.”

Član 6.

- (1) U članu 47. u stavu (3) iza riječi: “asistent” dodaju se riječi: “u odjeljenju”.
- (2) U stavu (4) iza riječi: “za vrijeme raspusta za učenike” dodaju se riječi: “i kada učenici nemaju redovnu nastavu”.

Član 7.

U članu 52. stav (3) iza riječi: “pomoćnik direktora” dodaju se riječi: “ili voditelj dijela nastavnog procesa”, a iza riječi: “asistent” dodaju se riječi: “u odjeljenju”.

Član 8.

U članu 55. iza stave (4) dodaje se novi stav (5) koji glasi:

“(5) Radniku angažiranom na zamjeni kojem prestane ugovor o radu zbog povratka odsutnog radnika na posao, koji je stekao pravo na godišnji odmor u skladu sa stavom (2) ovog člana, a nije u mogućnosti ga koristiti isplatit će se novčana naknada iz stava (3) ovog člana za broj dana stečenog godišnjeg odmora”.

Član 9.

U članu 58. iza stave (3) dodaje se novi stav (4) koji glasi:

“(4) Izuzetno, direktor, pomoćnik direktora ili voditelj dijela nastavnog procesa, sekretar, referent za plan i analizu, rukovalac nastavnom tehnikom, radnik na zaštiti na radu i administrativni radnik može na lični zahtjev uz saglasnost poslodavca (školskog odbora ili direktora) koristiti godišnji odmor u više dijelova s tim da prvi dio mora trajati minimalno 12 dana”.

Član 10.

U članu 67. u stavu (3) riječi: “noćnog čuvara, servirke i radnika za održavanje čistoće” mijenjaju se riječima: “noćnog čuvara zaduženog za sigurnost, dnevnog čuvara zaduženog za sigurnost, radnika na posluživanju obroka, radnika za logističku podršku i higijenu, kuhara, pomoćnog radnika u kuhinji i radnika na održavanju higijene”.

Član 11.

U članu 102. u stavu (1) iza riječi: “asistent” dodaju se riječi: “u odjeljenju”.

Član 12.

U članu 111. iza stava (6) dodaju se novi stavovi (7) i (8) koji glase:

“(7) Povjerenik za zaštitu na radu iz reda zaposlenih ima pravo na naknadu plaće u visini plaće koju bi ostvario da je radio na poslovima za koje je zaključio ugovor o radu.

(8) Lice zaduženo za provođenje mjera zaštite od požara ima pravo na naknadu plaće u visini plaće koju bi ostvario da je radio na poslovima za koje je zaključio ugovor o radu”.

Član 13.

U članu 115. u stavu (1) tačka j) i o) se mijenjaju i glase:

“j) direktoru, pomoćniku direktora ili voditelju dijela nastavnog procesa, sekretaru, referent za plan i analizu i administrativnom radniku pripada pravo na poseban dodatak u iznosu od 4% njegove osnovne plate. Radnicima iz ove tačke, pored posebnog dodatka u iznosu od 4% njegove osnovne plate, pripada pravo na dodatni poseban dodatak prema sljedećim kriterijima: radniku u osnovnoj školi sa više od 60 radnika u iznosu od 1% njegove osnovne plate i radniku u osnovnoj školi sa više od 80 radnika u iznosu od 2% njegove osnovne plate.

“o) pedagogu, psihologu, pedagogu/psihologu, asistentu u odjeljenju, bibliotekaru, socijalnom radniku, voditelju grupe u produženom boravku, rukovaocu nastavnim tehnikom i članu mobilnog stručnog tima za pružanje podrške inkluzivnom obrazovanju pripada pravo na poseban dodatak u iznosu od 3% njegove osnovne plate. Radnicima iz ove tačke koji rade u stručnom timu ustanove za podršku inkluzivnom obrazovanju, pored posebnog dodatka u iznosu od 3% njegove osnovne plate, pripada pravo na dodatni posebni dodatak u iznosu od 1% njegove osnovne plate.”

Član 14.

U članu 116. u stavu (1) tačka h) se mijenja i glasi: “rad u Školi u prirodi sa učenicima od II razreda do IV razreda koja se realizuje jednom u toku školavanja i rad na ekskurziji sa učenicima na kraju VIII razreda ili u IX razredu – 20%”.

Član 15.

U članu 132. u stavu (1) riječ: “pet” mijenja se sa riječi: “šest”.

Član 16.

U članu 139. stav (2) se mijenja i glasi:

“(2) Odlukom Školskog odbora regulišu se način i uvjeti obrazovanja komisija i način ostvarivanja naknada. Visina naknada se utvrđuje uputstvom/odlukom Ministra, za svaku pojedinačnu komisije.”

Član 17.

(1) U članu 141. stav (8) mijenja se i glasi:

“(8) Predsjedniku i članovima Konkursne komisije pripada pravo na novčanu naknadu koju utvrđuje Ministarstvo odlukom uz saglasnost Sindikata.”

(2) Stav (9) briše se.

Član 18.

(1) O danu objavljivanja ovog Pravilnika sačinjava se službena zabilješka koju ovjerava direktor škole.

(2) Ovaj Pravilnik stupa na snagu osmog dana od dana objavljivanja na oglasnoj tabli Škole, a primjenjuje se od 01.09.2024. godine.

Broj: 01-1-1508/24

Ilijaš, 30.10.2024. godine

Predsjednik Školskog odbora

Huko Hukić

Službena zabilješka:

Pravilnik o izmjenama i dopunama Pravilnika o radu objavljen je na oglasnoj tabli Poslodavca dana 30.10.2024. godine, a stupio je na snagu dana 07.11.2024. godine.

Potpis i pečat ovlaštenog lica